

荆駝逸史

錦章圖書局  
印行

荆楚述史

中華書局  
印行

三朝野紀卷之三下

江上遺民李遜之輯

天啟朝紀事

六年丙寅

成明義記遺事畧云丙寅春仲達被逮舟至毘陵吳巒穉先生逆之于道憇之家飲全慰勞如平生歡仲達篝燈閱先生兩郎文嘆曰兩君皆遠到器惜吾不及見先生慨然命兩郎輟讀侍左右仲達曰論此等時果可以無讀書後亦弗令吾兒讀書先生曰書何必不讀但勿學汝真正讀書仲達曰還須勿令從好先生始得忽不覺相視而咲翌日徐子元修自江上來相對悲憤欲慟仲達止之曰元修何必然但他年史筆借重數言便堪不朽耳先生曰昔蔡元定竄道州晦菴餞之蕭寺坐客有泣下者晦菴微視元定不異平時嘆曰友朋相愛之情季通不挫之志兩得之矣不圖今日親見此一番光景真一夕千古遂共命酒呼盧仲達浮大白自賞曰飲酒恨不足今宵足矣越日緹騎促行仲達遂入就公署宿先生復入署相存仲達索先生索所讀易袖珍本者自携先生喜授之曰吾視汝為薛文清乎遂洒然登舟而別先是仲達從先生學時曾假館此署者數月署中亭曰清風亭仲達恍然疇昔先生曰此行可謂不負所學仲達曰差不令此亭咲人耳嗟乎廉頑立懦仲達真是風千秋矣

鄒嘉生序端友集畧曰逆璫陷殺諸君子獨於吾友仲達不能措一詞蓋仲達所以真忠孝人也誦其詩讀其書友其人問其官問其鄉而忽殺之者非人也而崔賊忍殺之且必殺之仲達就檻車之日傾城號踊而仲達引滿自如其師吳蠻稱以一讀書秀才館之飲之不少變色緹騎環集其舍不為動嗚呼此豈尋常師友哉余猶憶夜分過蠻穉叩仲達此時胸次什麼生仲達笑言吾亦有解吾前生當是蔡京章惇受用太過須此輪迴耳微諷以高總憲之義輒泣然曰昇有老親在嗚呼仲達乃所謂真忠孝人也吳先生諱鍾鑾武進人以宿儒教授里中先忠毅少從先生學以道義相砥礪先忠毅殉難後先生簡當年往還尺牘詩文彙編曰端友集行世同志題序甚多僅錄一二以見其概後先生以崇禎甲戌登第國亡殉難去先忠毅之變已二十餘年端人端友始終一揆故并誌之于此若大節別有紀載茲不具述

高公先一夕聞逮信即作遺表曰臣雖削奪舊條大臣大臣受辱則辱國謹北向叩頭從屈平之遺則君恩未報結愿來生乞使者執此報皇上書畢自沉園池中北面捧心屹立不動水僅濡下體家人奔救之已氣絕矣蓋公生平學問得力故去來之際脫然無礙如此縣令欲執其子付緹騎賴曾郡公釋之已奉旨追究洩漏根因仍坐以配贖亦賴曾公保持得免大累

諸公先後逮到皆奉旨送鎮撫司打問許顯純掌司事而崔應元副之到即一夾一拶

敲八十答四十棍謂之一 拷掠時有名為聽記者倨堂中指揮如意又有打事件者絡繹道路必取內意發落各坐贓四五千不等復奉嚴旨五日一比每比必酷刑交加至五月中因天變停刑始少緩須臾而繆公則先以四月二十九日畢命矣六月中仍開嚴刑比周忠毅公周忠介公俱以十七日報亡黃忠端公以二十九日先忠毅以閏六月初三日相繼亡所以致之狀不能詳亦不忍詳其未完贓銀仍行原籍勒限拘家屬追比周忠惠公以閏六月十六日下獄即奉旨照李實原叅坐贓十萬勒限嚴比至九月初十日報亡

五月初六日巳時天色方皎潔忽有聲如吼從東北方漸至京城西南角灰氣湧起屋宇動蕩須臾大震一聲天崩地塌昏黑如夜東自順城大街北至刑部街長三四里週圍十三里盡為壘粉屋以數萬計人以萬計王恭廠一帶糜爛尤甚僵屍蕩蕩穢氣薰天瓦礫盈尺飛舞街道門戶毀裂一空城中即不被害者屋宇無不震蕩狂奔肆行之狀舉國若狂象房震倒羣象亦俱逸出遙望雲氣有如亂 者有五色者有如靈芝黑色者衝天而起歷時方散長安街一帶時從空飛墮人頭或眉毛和鼻或連一額紛紛而下大木直飛至密雲石駙馬街五千斤大石獅子飛出順城門外所傷男婦俱赤體寸絲不掛衣服俱飄在西山掛于樹稍昌平州教場中衣服成堆人家器皿首飾銀錢俱有仕紳在途打傷者甚多至壓死 婦女家眷者又難枚舉矣 朝天宮三殿兩廊災焚房屋一百三十一

間宮中獸頭冲下打死內官二人有詔下廷臣修省兵部尚書王永光疏言諸臣條上封事有停刑罷稅卒未能寬恤何人恩免何項概以知道了三字答之委之不知猶俟悔悟之日知而不改何時是蘇息之期奉旨以危言激聒責之

永光先有疏頌璫矣至是因司屬王陞張履端強之疏救大獄因天變請修省寬刑大拂內意未幾放歸崇禎初遂借忤璫名起位冢宰肆惡種種事詳後紀

刑部尚書薛貞審成楊州知府劉鐸獄詞上之命斬於市初錦衣衛緝得遊僧未福指為東林淵數乘機造謗以鐸詩扇為証既下獄以前詩為歐陽暉所作事白得釋在京候補復為張體乾緝獲証與方震孺同謀為在獄李承恩李柱明用賄求寬下鎮撫司提問又証以為假官曾雲龍倩道士方景陽呪咀廠臣發刑部定罪始擬戍既擬絞忠賢矯旨令重擬尚書薛貞遂阿內意叅司官責法削職方震孺加絞罪一等斬劉鐸咀咒重臣決不待時疏入允之鐸與曾雲龍家人劉福等即日駢斬于市方貞再鞫時語鐸曰當今之時以己功名為重他人生死何與已事鐸曰一時功名有限千秋清議難逃貞大恨朴之二十崇禎初定逆案貞與張體乾俱擬斬

命逮歙縣民吳養春王君實程夢庚等解京究問養春與養澤兄弟分財構訟有年至是日月成吳榮至東廠首養春侵占黃山種種天訟遂遣緹騎逮問懸坐贓銀六十餘萬不有又坐追山場木植銀三十餘萬差工部主事呂下問刻期追解下問携僕妾三十餘人

至騷擾愈甚搜通邑富戶科派之於三十萬外更增二萬餘縱放白役逼辱婦女民不堪命羣起鼓譟下問懼挈僕妾而逃焚棄勅書事聞復遣大理寺副許忠吉代下問吉本歛人至則以上官體自豪濫詐鄉人納賄作奸上民復闕然起賴知縣倪元珙委曲調停之始定

編修吳孔嘉與養春有世仇時以纂修要典入璫幕故引吳榮構成此獄波累合邑慘斬多人後坐逆案問徒

御史梁夢環先以查關餉嚴旨責令回話至是奏上奉旨梁夢環姑不究能廷弼雖正典刑家資巨富其取發關外軍前銀十七萬二千兩並無開銷着彼處撫按提家屬追贓變產勒限解部以助大工徇情隱飾責有所歸左都周應秋亦疏言撫按追贓當嚴犯官楊連左光斗等贓私鉅萬奉旨追助大工迄今絕無消息各犯其家不貧其局易結請置循環簿二扇遠者四月一繳近者二月一繳庶無沉閣等弊奉旨這奏深禪憲網楊連左光斗等贓私限刻期奏銷

楊公居官廉潔被人日不能具有具旂士民置募簿於四門醵資助之追贓令急宅居盡驚毋妻棲止城樓乃言家私巨萬應秋良心死盡矣大獄既興凡可殺人媚人者無所不至漳浦知縣楚烟追比肆毒於周忠惠公子彥陞江夏知縣王璽逼死熊公子珏黃州推官王萬金於梅公之煥之獄鍛煉周密惟吾郡郡侯曾公櫻護持先忠毅與

高忠憲二家不遺餘力至捐金以應緹騎寬限以比冤贓種種厚德不盡述也又若應山知縣夏之彥立簿募金以助楊公蘇州知府冠慎吳縣知縣陳文瑞庇護周忠介家武昌推官鄧來鸞委曲周旋熊公皆一時之卓然者

望周應秋為吏部尚書崔呈秀為工部尚書應秋素極鄙穢先年求司空缺於趙高邑天屈膝不已趙鄙之常語人曰吾入山三十年不意士風掃地至此至以媚璫墜冢宰稱官索價每日勒足萬金都門有周日萬之目手復狠辣凡門戶中糾本叅及者輒借推陞題目以供誅求為之同心行事者文選郎李夔龍也遂至削奪無虛日後定逆案評云頌美三十九本題請公侯伯誥改武廕為文廕借推人以處人擬戍遣李夔龍則以附奸媚逆望風承旨引交結近侍律斬以兩人較之應秋之罪實未蔽其辜也

虞大復應秋之壻也素以狂逸自負致書應秋云挾泰山以超吳海在壻固不敢望入寶山而空回想岳亦不能忘情也盛為時傳頌竟由南郎陞江西提學副使後亦入逆案

崔呈秀母死當丁艱奉旨奪情不准守制遂緋袍視事如故禮部尚書來宗道為之題覆卹典直曰在天之靈奏文書時讀至此上亦艱然變色用御筆圈出此四字已又命兼左都御史列銜都察院蓋欲柑制諸御史此又從來官制所無至七年

月不由會推內

旨政任兵部尚書既握天下之兵權矣祖制任本兵者親族俱不許掌管兵事呈秀竟用

其弟凝秀為浙江總兵不特背祖制直顯著無將之心云

諭內閣朕昔在青宮聞皇祖年間有逆犯噉生光捏造妖書謀危社稷離間皇祖誣害大臣朕深為痛恨切齒自朕冲齡踐祚之際值東林邪黨盈朝或陷朕於不孝或棄祖宗封疆不過幸荷上天默佑寶璽呈祥牖朕憬然羣奸敗露其元惡大憝雖復芟除而脅從宵壬不無漏網前已屢屢特諭闡曉再三欲令易面改心咸與更始不謂宏紀凌替之後人心迷錮已深乃尚有等未盡奸徒怙惡不悛密弄線索或巧布流言蜚語或捏寫匿名文書害正黨邪熒惑視聽卿等可傳示殿衛都察院五城巡捕緝事衙門廣布軍番嚴加體訪如有前項奸徒仍蹈前愆確有的據即先將正身拿住具奏細細研審必要窮究到底根鞫造謀主使之人明正典刑以息邪說昭朕一代文明之治

時有匿名榜揭後宰門列忠賢反狀忠賢怒疑中宮父張國紀及被斥諸臣為之因增邏卒數百人欲以此興大獄盡殺林下疑似諸賢而由國紀以搖動中宮事成則以魏良卿女進府丞劉志選偵知之遂疏參張國紀罪狀罄竹難書有謀宮婢韋氏作妄鬻獄輒稱懿旨等語內訾丹山之穴藍田之種大指斥中宮氣侵甚惡未復云肘腋重臣殫忠弼亮協贊中興聞有伏莽之奸成頭露民其君所隙為一網打盡之計前之謗書今之蜚語望叮嚀緝事衙門嚴拏究治蓋匿名榜所指忠賢佐命七十餘人故志選有一網打盡之語御史梁夢環繼疏參國紀罪狀引志選丹山之穴等語以傾中宮有旨張國紀着單去爵

祿回籍省愆中宮性鯁直數於上前以顛倒舊章為言蓋指客魏也又上一日幸后宮見几上書一卷問何書后曰趙高傳上默然忠賢聞之益怒次日伏武士數人於便殿上御殿搜得之身懷利刃上大驚送殿衛逆闖欲誣后父國紀謀立信王為不軌以興大獄謀之王體乾體乾曰主上凡事憤憤獨於夫長兄弟間不薄脫有變吾輩無唯類矣忠賢懼乃亟殺之以滅口幸中宮為秉筆劉克敬所選忠賢因遷怒克敬并其照於老馬鑑具降發鳳陽縊殺之既殮復蘇衆人俱聞棺中格格有聲畏逆賢故遂埋之崇禎初聽歸改葬志選夢環崇禎年俱以傾搖母后逼逐戚臣擬大辟斬決先是中宮之立上決之於穆廟趙貴妃妃云此女端重遂立之其客氏欲立者宸妃王氏也以此客魏相結布計搖動中宮云

蔣允儀獻語曰逆焰方張舉國若狂大率操戈矛於儕輩開羅網於縉紳耳未有敢發大難窺伺宮闈借搏擊貴戚之名行離間國母之實如二臣者哉今天子不得庇其外戚國母不能全其生父即寸斬二奸亦不足贖乃志選潑口亮鋒脅持問官曰薛貞枉殺劉鐸致有今日之反坐前車可鑒此無論盈廷討賊與密告羅織者不同而以譏刺逆璫者與讒謗國母相提而論其不道無人臣禮莫此為甚矣以奸邪兼之悖逆罪在十惡之條應從罵母之律

浙江巡撫潘汝楨首疏請建魏忠賢生祠用致祝釐奉旨據魏忠賢心勤體國念切卹民

閏兩浙連歲災傷革百年相沿鋪墊宜從衆請周建生祠祠名與做永恩 織造太監李  
寶奏敕臣祠宇已建乞授杭州百戶沈尚文等永守祠宇世為祝釐崇報上允之祠建於  
西湖之麓居闢壯繆岳武穆之中備極壯麗時有原任提學副使黃汝亨過其地微發詫  
嘆語守祠之豎叢毆之立斃地方不敢問

此建祠之始從此效尤成風總由汝楨作俑也疏語皆揚詞贊嘆幾同勸進旨亦駢語  
相答稱頌惟恐不至旨中必以朕與敕臣並稱而不名疏與旨俱不全錄者不勝錄亦  
不屑錄但錄陸萬齡一疏者侮及先聖尤為亘古異事以見人之無良有非思議所及  
也 時內閣票旨者為顧秉謙黃立極馮銓未幾顧馮 位又增施鳳來張瑞圖李國  
楷諸人中惟李稍能以禮自持而保救張戚晚尤多其力

應天巡撫毛一鷺疏請為敕臣建祠虎邱薊遼總督閻鳴泰疏請建祠薊州順天巡撫劉  
詔巡按倪文煥梁夢環疏同鳴泰又請祠額疏內云人心之依歸即天心之向順恭炤敕  
臣魏忠賢安內攘外舉賢任能非但學識綱常之際獨萃其全且於兵農禮樂之司共濟  
其盛治平績著覆載量宏亟請祠名用志功德有旨褒美祠額與做廣恩祠成迎逆賢喜  
容至巡撫劉詔等俱行五拜三叩頭禮兵備副使耿如杞見其像冕旒執玉惡之止一揖  
不拜詔遂疏叅如杞立遣緹騎逮下詔獄打問追贓送刑部擬罪尚書薛貞當以大辟論  
斬當敗後得復官

鳴泰鋪張功德足示擁戴矣人心依歸天心向順尸祝之疏幾同勸進之文像安得不  
冕旒禮安得不五拜三叩頭也炤曰恭照心不勝誅矣

鳴泰又疏建祠密雲祠名崇德劉詔倪文煥梁夢環疏同鳴泰又請建祠昌平通州昌平  
名崇仁通州名彰德劉詔等疏同鳴泰又請建祠涿州祠名宏愛巡撫劉詔巡按卓邁梁  
夢環疏同鳴泰又請建祠河間祠名仰德保定巡撫張鳳翼巡按倪文煥疏同鳴泰又請  
建祠保定祠名旌功鳳翼與巡按盧承欽疏同寧遠巡撫袁崇煥疏請建祠遼東祠名德  
芳總督閻鳴泰巡按梁夢環疏同天津巡撫黃運泰疏請建祠天津祠名威仁鳴泰卓邁  
疏同提學御史李蕃疏請守祠官

運泰迎喜容於郊五拜三叩頭乘馬前導如迎詔儀像至祠所安置訖運泰列班丹墀  
率文武諸官五拜三叩頭已至像前萬福口稱某名某事蒙九千歲扶植叩頭謝又某  
年某月蒙九千歲陞拔又叩頭謝致詞畢就班仍五拜三叩頭旁觀皆汗下運泰洋洋  
甚得意焉

宣大總督張樸疏請建祠宣府祠名隆勲巡撫秦士文巡按汪裕張養素疏同張樸又疏  
請建祠大同祠名嘉猷巡撫王點等疏同中書郭希禹疏請將自置山地二百畝敬捐以  
祝厥臣喬松之壽大同新任巡撫張翼明疏請為厥臣建坊以示華夷有旨名一代崇功  
大同祠成上梁之日王點托病不出故急逐之而用翼明翼明至無可獻媚乃請建坊

愈奇而愈下矣

山西巡撫曹爾楨疏請建祠五臺祠名報功總督張樸巡按劉弘光疏同登萊巡撫李嵩  
疏請建祠有旨准於府城水城各建一祠寧海院名景仁蓬萊閣名留敬山東巡撫李精  
白疏同延綏巡撫朱童蒙疏請建祠榆林祠名祝恩三邊總督史永安陝西巡撫莊謙疏  
同督理三山工部郎中何宗聖疏請建祠房山祠名顯德又疏稱房山知縣楊齊芳捐銀  
百兩士民高寧等捐銀二百兩置買香火地祠崇報上林苑鄉官庶吉士李若琳等疏  
請建祠蕃育署祠名感恩督理崇文商稅戶部主事張化愚疏請建祠房山孫長溝地方  
祠名廣仁督理蘆溝橋工部郎中曾國楨疏請建祠橋側祠名隆恩巡視五城御史黃憲  
卿壬大年汪若極張樞智鉗公疏請建祠宣武門外順天府尹李春茂疏請建祠宣武門  
內順天府鄉官通政使經歷孫如洌疏同并請賜御製碑文祠名茂勛上林苑監丞張永  
祚疏請建祠良牧署祠名存仁坊名功高冊府嘉蔬署祠名洽恩坊名洪恩流芳林衡署  
祠名永愛坊明一代元勳提學御史李蕃疏請建祠永安門

內閣李永貞最為逆賢用事家在通州蕃制匾額送至其第永貞不受人皆快之

國子監監生生員陸萬齡曹代阿等疏言臣聞縱橫之世楊墨充塞聖道榛蕪子興起而  
闢之廊如也故萬世謂孟子之功不在禹下至今于秋廟貌比隆尼山我明列聖相繼聖  
道昭明不意顯皇中年東林偽學自立旗幟欲釣高名忍捏浮詞巧巉君父誣先帝為不

得令終陷陛下為不能善始罪惡滔天聖學墜地此孔筆所必誅孟舌所不赦也恭遇申  
嶽降靈尼山吐氣篤生聖輔督厥魏疏中但稱姓而不名提下世貞心佐一朝乾斷披丹  
開導首勸鸞輿視學竭力匡勦立補累朝缺典尚且清軍實以壯國威捐逋稅以甦民困  
宸居迭建而九賦無增藩邸同封而四方不擾其最有功世道人心為聖門攸賴者芟除  
奸黨保全善類自元凶就繫而天下翕然稱明此即厥臣之誅少正卯也自要典昭垂而  
天下翕然稱孝此即厥臣之筆削春秋也朝廷之上昔為魍魎糾結之區今日何由開朗  
孔孟之門昔為邪慝冒借之窟今日何由清明是厥臣驅蔓延之邪黨復重光之聖學其  
功不在孟子下臣等涵濡厥臣之教佩服厥臣之訓念帝都為起化之地國學為首善之  
區伏願於監西勅建厥臣生祠後楹即祀寧國先公與先聖啟聖之祀因舉並行更顯皇  
上製碑文一道勒石顯揚奉旨自東林邪人聚徒鼓簧淆亂國是構覺宮闈賴厥臣獨持  
正議匡挽頽風一時門戶之奸如鏡照胆兩朝慈孝之熾若日中天功在世道甚非渺小  
至於安內攘外剔蠹除邪免稅蠲逋扶良抑暴矜之徒得以貼席緩帶家誦戶絃皆厥  
臣恩德所被太學諸生請於國學建祠祝釐具見彝好即着鳩工舉行

葵士順曰萬齡欲孔子先禪素王然後禪以天下也聖輔二字便是舜禹之案三朝要  
典襲六經而七矣

後有監生李映日疏引周公用天子禮樂郭汾陽封王例時烈皇已登極為通政使駁

寢未上故暎日亦未入逆案僅下獄問罪

五軍都督府錦衣衛等衙門公侯伯駙馬等官博平侯郭振明等公疏請建祠賜額名德芳保定侯梁世勛疏請建祠安定門外五軍營大教場祠名著愛襄城伯李守鉞疏請建祠京營祠名鳴勛靈壁侯湯國祚武清侯李誠銘各疏請捐貲附祠共祝山東巡撫李精白疏請建祠省城內云廠臣仁威彈壓乎山川激澤滲漉乎中外堯天之魏蕩帝德難名時雨之霑濡元勲丕著有旨祠名隆禧河道總督李從心登萊巡撫李嵩疏同巡按黃憲卿疏請又有旨祠名湛恩

一祠兩名於是議兩殿分懸撫前而按後焉

精白先以麒麟歸瑞於廠臣具疏後即裏送其第至是請祠請額極力揄揚堯天魏蕩帝德難名噫是何語耶 憲卿在京已一再建矣抵任復疏繼請上櫟之日二臣俱親詣展拜擬柱聯云至聖至神中天地而立極乃文乃武同日月以常明精白以多福多壽易乃文乃武四字惟恐頌禱之未至也 濟南道副使梁廷棟屆期獨不至祠所漕監李明道至河二部道俱行屬禮廷棟獨以客禮見於舟次李闔送不登岸梁亦竟行不顧歸即堅請終養時崔呈秀正奪情去

河南巡撫郭增先巡按鮑奇模各疏請建祠開封祠名戴德

此祠毀民房二千餘間建宮殿九重宏嚴為古今所無建標祠所直書大工蓋大梁道

周鏘祥符令李寓庸為之延綏巡撫朱童蒙建祠直用琉璃瓦毫無避忌閣鳴泰公然稱人心歸依天心向附李精白稱堯天帝德皆顯然著擁戴之形不以為異也

總督陳運太監崔文升鳳陽督撫郭尚友巡按宋禎漢巡漕何早巡鹽許其孝公疏據漕道朱國盛等工部等官顧民岩等知府劉應召等合詞請建祠淮安祠名瞻德臨清提督工部侍郎吳淳夫疏請建祠名萃德

東昌知府王堯民收進逆祠募疏不發淳夫疏叅之遂削職為民

巡鹽龔萃肅疏請建祠長蘆祠名留恩湖廣巡撫姚宗文疏請建祠武昌祠名隆仁隕陽巡撫梁應澤巡按溫臯謨疏同

應澤復欲建祠於隕陽荆南道蔡善繼不肯申詳迫之至再蔡以掛冠爭之應澤將疏叅聞熹廟崩而止

巡鹽李燦然疏請建祠河東祠名褒勲山西巡撫弁志夔巡按劉宏光疏同淮揚巡鹽許其孝疏請建祠揚州祠名瞻恩總漕郭尚友巡按宋禎漢疏同

此祠上樑日熹廟宸詔已頒其孝等哭靈畢仍脫練經易吉服相率往拜還復易服哭旁觀者咸為咋舌惟副使來復不與

楚王華奎疏請捐金一千兩助建祝釐有旨嘉允

親王為國藩屏何德之感何威之劫而乃有此舉乎噫亦異矣

三邊總督史永安疏請建祠固原祠名懋懿陝西巡撫胡廷宴巡按莊謙疏同孝陵衛指揮李三才疏請建祠孝陵前祠名仁溥命守備太監享祀總督河道蘇茂相請建祠鳳陽皇陵之次祠名懷德南京守備太監請建祠皇城東祠名崇勲時惟福建未有請江西亦最後七年冬巡撫楊邦憲巡按劉述祖方疏請而璫已敗矣

總計建祠共四十所在諸臣既為逆賢也人自不敢不為逆賢也用至楚藩之捐助勲戚之建祠獨何心乎蓋與國同休戚即使改唐為周平漢而莽尚賴朱虛之誅諸太尉之入北軍今乃齊心擁戴固念國恩生何以覲顏稱世臣死何以對祖列宗也定逆案時竟不之及而張鳳翼蘇茂相夢澤史永安諸人公然漏網其一二守正者亦竟無格外之旌

蒲州諸公不得辭其責矣

以皇極殿工成晉魏忠賢為上公原封肅寧侯魏良卿進寧國公賜鈔券世襲加吏部尚書周應秋等十八人宮保賜銀幣馮嘉會崔呈秀廢子錦衣衛指揮世襲郭允厚薛鳳翔廢子入監孫杰陞工部尚書科道等郭興言等加銜賜銀幣有差又勅賜忠賢庄田二千頃寧國公祿米照魏國公例歲支五千以示酬眷至意

又諭寧遠解圍功加恩魏忠賢三等廢弟姪一人錦衣衛指揮使世襲王體乾輩各陞賞有差既又以廠臣安攘天下加寧國公魏良卿太子太保封魏鵬翼安平伯魏良棟東安侯世襲時良棟僅四歲鵬翼僅三歲餘官各進爵有差